



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

3. Sacro Sanctum &c. Declaratio, quod non obstante Indulto Mulieribus  
concesso ingrediendi Monasteria Monialium, obtinendus sit Monialium  
consensus pro earum ingressu: Anno 1624.

---

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

ANNO  
1624.

concernunt inviolabiliter observari, sique per quoscumque Judices ordinarios, & delegatos, etiam Causarum Palatii Apostolici Auditores, ubique judicari, & definiti debere, ac irritum, & inane, si fecus super his à quoquam quavis auctoritate scienter, vel ignoranter contigerit attentari.

Quocirca Venerabilibus Fratribus Joanni Francisco Patracensi moderno, & pro tempore existenti nostro, & sedis Apostolicæ in Belgicis ditionibus Nuncio, ac Mechliniensi Archiepiscopo, nec non Episcopo Tornacensi per præfentes committimus, & mandamus, quatenus ipsi, vel duo, aut unus eorum per se, vel alium, seu alios præfentes literas, & in eis contenta quæcumque ubi, & quando opus fuerit, & quoties pro parte dicti Hermanni moderni, & pro tempore existentis Episcopi Atrēbatensis fuerint requisiti solemniter publicantes, eisque in præmissis efficacis defensionis præsidio assistentes, faciant auctoritate nostra illos præmissorum omnium, & singulorum effectu pacificè frui & gaudere, eosdemque præfentes literas, & in eis contenta hujusmodi ab omnibus ad quos spectat, & pro tempore quomodolibet spectabit inviolabiliter observari; Contradictores quoslibet, ut rebelles per sententias, censuras, & poenas Ecclesiasticas aliaque opportuna Juris, & Facti remedia, appellatione postposita compellendo invocato ad hoc, si opus fuerit, auxilio brachii secularis.

Non obstantibus quatenus opus sit, felicitis recordationis Bonifacii Papæ Octavi Prædecessoris nostri de una, & in Concilio Generali edita de duabus diebus, dummodò ultra tres dietas aliquis auctoritate præsentium ad iudicium non trahatur, aliisque constitutionibus, & ordinationibus Apostolicis, & dictæ Ecclesiæ Atrēbatensis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & litteris Apostolicis in contrarium præmissorum quomodolibet concessis, confirmatis, & innovatis, quibus omnibus, & singulis, eorum omnium tenores præsentibus pro plenè, & sufficienter expressis, & ad verbum insertis habentes, illis aliis in suo robore permanentibus hac vice duntaxat specialiter, & expressè derogamus, cæterisque contrariis quibuscumque.

Datum Romæ apud Sanctam Mariam Majorē sub annulo Piscatoris die tertia Novembris 1623. Pontificatus nostri Anno primo Signatum U. Theatinas.

III  
Ex Memoires du Clergé  
Tom. I. pag.  
920.

Declaratio, quod non obstante indulto Mulieribus concessio ingrediendi Monasteria Monialium, obtinendus sit Monialium consensus pro earum ingressu: Anno 1624.

URBANUS PAPA OCTAVUS,

*Ad perpetuam rei memoriam.*

Sacro Sanctum Apostolatus ministerium, quod ineffabilis Divina providentia humilitati nostre, nullo licet meritum suffragio, credit, jugiter postulat, ut inter multiplices Pastoralis officii curas, illam sedulo amplectamur, qua sanctimonialium quieti opportunè consulitur.

§. 1. Cum itaque plures licentiæ Monasteria Monialium ingrediendi diversis mulieribus secularibus, sub certis modo, & forma tunc expressis à nobis, & diversis Romanis Pontifi-

cibus prædecessoribus nostris concessæ fuerint, eademque mulieres in vim licentiarum prædictarum Monasteria hujusmodi, nonnisi de expresso earumdem Monialium, & illorum superiorum consensu, ingredi possint, seu debeant.

§. 2. Nos omnem dubitandi materiam, quæ super modo consensum hujusmodi præstandi, forsitan oriri posset, è medio tollere volentes, Motu proprio, & ex certa scientia nostra, harum serie decernimus, atque declaramus, consensum dictarum Monialium, de cætero per easdem Moniales capitulariter, & per secreta suffragia præstandum esse, & præstari debere; alias licentiæ hujusmodi, mulieribus, quibus concessæ fuerunt, nullatenus suffragentur.

§. 3. Et quæ Sanctimonialium Monasteria vigore licentiarum prædictarum, absque consensu capitulariter, ut præfertur, præstato, ingredi præsumperint, sententias, censuras, & poenas contra Clausuras Monasteriorum Monialium violantes, inflictas, se noverint incursum.

§. 4. Sicque & non aliter per quoscumque Judices Ordinarios, & delegatos etiam Causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, judicari, & definiti debere, ac irritum, & inane, si fecus super his à quoquam quavis auctoritate, scienter vel ignoranter contigerit attentari, in contrarium facientibus non obstantibus quibuscumque.

§. 5. Volumus autem, ut præsentium transcriptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides in iudicio, & extra adhibeatur, quæ præsentibus adhiberetur, si forent adhibita, vel ostensa.

Datum Tusculi sub annulo Piscatoris, die vigesima septima Octobris Anno Domini millesimo sexcentesimo vigesimo quarto, Pontificatus nostri Anno secundo.

Prohibet ædificari nova Monasteria inconsulto Ducecesano; revocat quæ pridem concessæ fuerant: Anno 1624.

IV.  
Ex ibid.  
Tom. I. pag.  
987.

URBANUS PAPA VIII.

*Ad perpetuam rei memoriam.*

Romanus Pontifex cui Salvator & Dominus noster (qui Charitas est, Deus pacis) Universalis Ecclesiæ credidit Principatum, ea interdum, quæ certis, etiam rationabilibus de causis à sede Apostolica concessæ sunt, ipsa subinde rerum experientia suadente, & majoribus ex causis, quibus præsertim personarum sub suavi Religionis jugo Altissimo famulantium paci, & quieti consulitur, litibusque ac controversiis inter eos obviam itur, revocat, & immutat; in hisque pastoralis sollicitudinis, & providentiæ suæ studium interponit, prout retum, & temporum qualitatibus debite pensatis, conspicit in Domino salubriter expedire.

§. 1. Cum itaque sicut nobis innotuit, complures licentiæ, sive facultates à nonnullis Romanis Pontificibus prædecessoribus nostris per diversos Ordines, etiam mendicantium, Congregationum, Societatum, & aliorum Regularium Institutum superiores, seu alios eorum nomine, ubique locorum, Monasteria, Domos,

Collegia,